

蘭室秘藏

中



Faint vertical text or bleed-through from the reverse side of the page, including characters like '卷之' and '第'.

蘭室秘藏卷中

東垣老人 李杲 撰

明 新安 吳勉學 校

頭痛門

頭痛論

金匱真言論云。東風生於春。病在肝。命在頸項。故春氣者。病在頭。又諸陽會於頭面。如足太陽膀胱之脉。起於目內眦。上額交巔。上入絡。還出別下頰。病循頭痛。又足少陽膽之脉。起於目銳眦。上抵頭角。病則頭角額痛。夫風從上受之。風寒傷上。邪從外入。客於

經絡令人振寒頭痛身重惡寒治在風池風府調其  
陰陽不足則補有餘則瀉汗之則愈此傷寒頭痛也  
頭痛耳鳴九竅不利者腸胃之所生乃氣虛頭痛也  
心煩頭痛者病在耳中過在手巨陽少陰乃濕熱頭  
痛也如氣上不下頭痛癩疾者下虛上實也過在足  
少陰巨陽甚則入腎寒濕頭痛也如頭半邊痛者先  
取手少陽陽明後取足少陽陽明此偏頭痛也右真  
頭痛者甚則腦盡痛手足寒至節死不治有厥逆頭  
痛者所犯大寒內至骨髓髓者以腦為主腦逆故令  
頭痛齒亦痛凡頭痛皆以風藥治之者總其大體而

言之也。高顛之上。惟風可到。故味之薄者。陰中之陽。乃自地升天者也。然亦有三陰三陽之異。故太陽頭痛惡風。脉浮緊。川芎、羌活、獨活、麻黃之類爲主。少陽經頭痛。脉弦細。往來寒熱。柴胡爲主。陽明頭痛。自汗發熱惡寒。脉浮緩。長實者。升麻、葛根、石膏、白芷爲主。太陰頭痛。必有痰體重。或腹痛。爲痰癖。其脉沉緩。蒼朮、半夏、南星爲主。少陰經頭痛。三陰三陽經不流行。而足寒氣逆爲寒厥。其脉沉細。麻黃、附子、細辛爲主。厥陰頭項痛。或吐痰沫。厥冷。其脉浮緩。吳茱萸湯主之。血虛頭痛。當歸、川芎爲主。氣虛頭痛。人參、黃芪爲

主氣血俱虛頭痛。調中益氣湯。少加川芎、蔓荊子、細辛。其効如神。白朮、半夏、天麻湯。治痰厥頭痛藥也。青空膏。乃風濕熱頭痛藥也。羌活、附子湯。治厥陰頭痛藥也。如濕氣在頭者。以苦吐之。不可執方而治。先師嘗病頭痛。發時兩頰青黃暈眩。目不欲開。懶言。身體沉重。兀兀欲吐。潔古曰。此厥陰太陰合病。名曰風痰。以局方玉壺丸治之。更灸俠谿穴。即愈。是知方者體也。法者用也。徒執體而不知用者。弊體用不失。可謂上工矣。

清空膏

治偏正頭痛年深不愈者善療風濕熱上壅損目及腦痛不止

川芎 伍錢

柴胡 柒錢

黃連 炒

防風 去芦

羌活 已上各壹兩

炙甘草 壹兩伍錢

細挺子黃芩

叁兩去皮剉一半酒製一半炒

右為細末每服二錢七於盞內入茶少許湯調如

膏抹在口內少用白湯送下臨卧

如苦頭痛每服加細辛 貳分

如太陰脉緩有痰名曰痰厥頭痛減羌活防風川芎

甘草加半夏 壹兩伍錢

如偏正頭痛服之不愈減羌活防風川芎一半加柴

胡壹倍

如發熱惡熱而渴此陽明頭痛只與白虎湯加好吳

白芷

徹清膏

蔓荊子

細辛

已上各壹分

薄荷葉

川芎

已上各叁二分

生甘草

熟甘草

已上伍分

藁本

壹錢

右為細末每服二錢食後茶清調下

川芎散

治頭目不清利

川芎 叁分

柴胡 柒分

羌活

防風

藁本

生甘草

升麻

已上各壹錢

熟甘草

酒生地黃 貳錢

酒黃連

炒

酒黃芩

已上各肆錢伍分

右為細末每服一錢或二三錢食後茶清調下忌

酒濕麵

白芷散

一名鬱金散

治頭痛

鬱金

壹錢

香白芷

石膏

已上各貳錢



薄荷葉

芒硝 已上各參錢

右為極細末口含水鼻內噴之

碧雲散

治頭痛

細辛

鬱金

芒硝 已上各壹錢

蔓荊子

川芎 已上各壹錢貳分

石膏 壹錢參分

青黛 壹錢伍分

薄荷葉 貳錢

紅豆 壹箇

右為極細末口噙水鼻內噴之

羌活清空膏

蔓荊子 壹錢

黃連 參錢

羌活

防風

甘草 已上各肆錢

黃芩 壹兩

右為細末每服一錢茶清調下食後臨卧

清上瀉火湯

昔有人年少時氣弱常於氣海三里灸之節次約五七十壯至年老添熱厥頭痛雖冬天大寒猶喜寒風其頭痛則愈微來暖處或見烟火其痛復作五七年不愈皆灸之過也

荆芥穗

川芎 已上各貳分

蔓荆子

當歸身

蒼朮 已上各叁分

酒黃連

生地黄

藁本

甘草 已上各伍分

升麻

防風 已上各柒分

酒黃蘗

炙甘草

黃芪 已上各壹錢

酒黃芩

酒知母 已上各錢伍分

羌活 叁錢

柴胡 伍錢

細辛 少許

紅花 少許

右剉如麻豆大分作二服每服水二盞煎至一盞

去粗稍熱服食後

補氣湯

服前藥之後服此藥

柴胡 貳分

升麻 叁分

黃芪 捌分

當歸身 貳錢

炙甘草 肆錢

紅花 少許



右吹咀作二服水二盞煎至一盞去粗稍熱服食

後

細辛散

治偏正頭痛

細辛

瓦粉

生黃芩

芍藥

酒黃連

川芎

炒黃芩

酒黃芩

炙甘草

柴胡

右為麤末每服二錢水一大盞半煎至一盞取清

食後服之

羌活湯

治風熱壅盛上攻頭目昏眩

炙甘草

宋分

澤瀉

參錢

酒洗瓜蒌根

白茯苓

酒黃蘗

巳上各伍錢

柴胡

宋錢

防風

細黃芩

酒洗

酒黃連

羌活

巳上各壹兩

右為麤末每服五錢重水二

盞煎至一盞取清

食後臨卧通口熱服之

養神湯

治精神短不得睡項筋腫急難伸禁甘温宜苦味



木香

橘皮

柴胡

已上各壹分

酒黃芩

貳分

人參

黃蘗

白朮

川芎

已上各叁分

升麻

肆分

蒼朮

麥蘗麩

當歸身

黃連

已上各伍分

甘草

半夏

已上各柒分

黃芪

壹錢

右咬咀每服五錢水二大盞煎至一盞去粗稍熱

服不拘時候

安神湯

治頭痛頭旋眼黑

神效必錄

卷五

七

生甘草

炙甘草

已上各  
貳錢

防風

貳錢  
伍分

柴胡

升麻

酒生地黃

酒知母

已上各  
伍錢

酒黃蘗

羌活

已上各  
壹兩

黃芪

貳兩

右為麤末每服五錢水二大盞半煎至一盞半加

蔓荊子五分川芎三分再煎至一盞去粗臨卧熱

服

半夏白朮天麻湯

范天駭之內有脾胃證時顯煩躁胸中不利大便

不通而又為寒氣拂鬱悶亂大作火不伸故也疑

其有熱服踈風丸大便行其病不減恐其藥少再服七八十丸大便復見兩行元證不瘳增以吐逆食不能停痰唾稠粘湧出不止眼黑頭旋惡心煩悶氣短促上喘無力以言心神顛倒目不敢開如在風雲中頭苦痛如裂身重如山四肢厥冷不得安卧余料前證是胃氣已損復下兩次則重虛其胃而痰厥頭痛作矣與此藥而治之

黃蘗

貳分酒洗

乾薑

叁分

澤瀉

白茯苓

天麻

黃芪

人參

蒼朮

已上各伍分

炒神麴



白朮

已上各壹錢

麥蘖麩

半夏

湯洗

橘皮

已上各壹錢伍分

右吹咀每服五錢水二大盞煎至一盞去粗熱服

食前一服而愈此頭痛苦甚謂之足太陰痰厥頭

痛非半夏不能療眼黑頭旋一風虛內作非天麻不

能除黃芪甘溫瀉火補元氣實表虛止自汗人參

甘溫瀉火補中益氣二木俱苦甘溫除濕補中益

氣澤瀉茯苓利小便導濕橘皮苦溫益氣調中升

陽神麩消食蕩胃中滯氣大麥麩寬中助胃氣乾

薑辛熱以滌中寒黃蘖大苦寒酒洗以療冬天少

火在泉發躁也

口齒咽喉門

口齒論

論曰夫齒者腎之標口者脾之竅諸經多有會於口者其牙齒是手足陽明之所過上齟隸於坤土乃足陽明胃之脉貫絡也止而不動下齟嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動齟齬袒脫作痛不已故所治療不同也有惡熱而作痛者有惡寒而

廣室秘藏 卷四  
作痛者有惡寒惡熱而作痛者有惡寒飲少熱飲多  
而作痛者有惡熱飲少寒飲多而作痛者有牙齒動  
搖而作痛者有齒齦腫起爲痛者有脾胃中有風邪  
但覺風而作痛者又有牙上多爲虫所蝕其齒缺少  
而色變爲虫牙痛者有胃中氣少不能於寒袒露其  
齒作痛者有牙齒疼痛而穢臭之氣不可近者痛旣  
不一豈可一藥而盡之哉

羌活散

治客寒犯腦風寒濕腦痛項筋急牙齒動搖肉齦

袒脫疼痛

藁本

香白芷

桂枝

已上各參分

蒼朮

升麻

已上各伍分

當歸身

陸分

草豆蔻仁

壹錢

羌活

壹錢伍分

羊脛骨灰

貳錢

麻黃

去根節

防風

已上各參錢

柴胡

伍錢

細辛

少許

右爲細末先用溫水嗽口淨擦之其痛立止也

草豆蔻散

治寒多熱少牙齒疼痛

細辛葉

防風

已上各貳分

羊脛骨灰

熟地黄

已上各伍分

當歸

陸分

草豆蔻仁

蘭室必裁

卷五

黃連

已上各壹錢參分

升麻

貳錢伍分

右為細末同前牙痛處擦之

麻黃散

治冬寒時分寒濕腦痛項筋急牙齒動搖疼痛

防風

藁本

已上各參分

羊脛骨灰

當歸身

熟地黄

已上各陸分

草豆蔻仁

升麻

黃連

已上各壹錢

羌活

壹錢伍分

麻黃

不去節

草龍膽

酒洗

生地黄

已上貳錢

細辛

少許

右為細末依前藥法擦之

熱牙散

一名麝香散

治大熱牙齒瘡露根肉齧脫血出齒動欲落疼痛  
妨食物餽反忤熱多

熟地黄 二分

益智仁 二分

當歸身

生地黃

麻黃根

酒漢防已

人參

已上各  
參分

升麻

一錢

草豆蔻

黃連

已上各  
錢五分

羊脛骨皮

一錢

麝香

少許

右為細末如前藥擦之

治蟲散

名白芷散

治大寒犯腦牙齒疼痛及蟲痛胃經濕熱腫痛

治蟲散

名白芷散

桂枝 一分  
熟地黄 二分  
藁本

白芷 已上各  
當歸身  
益智仁

黃連 已上各  
羌活 伍分  
吳茱萸 八分

草豆蔻  
黃芪  
升麻 已上各

羊脛骨灰 錢  
麻黃 不去節 錢五分

右為細末同前擦之

益智木律散

治寒熱牙痛

木律 二分  
當歸  
黃連 已上各

羊脛骨灰  
益智皮  
熟地黄 已上

草豆蔻皮

壹錢貳分

升麻

壹錢伍分

右為細末用度如前擦之

如寒牙痛不用木律

蠟稍散

治大寒風犯腦牙痛

白芷

當歸身

柴胡

已上各貳分

桂枝

升麻

防風

藁本

黃芪

已上各參分

羌活

伍分

草豆蔻皮

壹錢

麻黃

去節壹錢伍分

羊脛骨灰

貳錢伍分

蠟梢

少許



右為細末如前法用之

白牙散

白芷

柒分

升麻

壹錢

石膏

壹錢五分

羊脛骨灰

貳錢

麝香

少許

右為細末先用溫水嗽口擦之妙

刷牙藥

麝香

壹分

生地黄

酒防已

熟地黄

已上各貳分

當歸身

人參

已上各參分

草豆蔻皮

伍分

升麻

壹錢

羊脛骨灰

黃連

已上各貳錢

白豆蔻

草豆蔻

已上參錢

沒石子 參箇

五倍子 五箇

右為極細末如前法擦之妙

獨聖散

治一切牙痛風疳

北地蒺藜 不以多少陰乾

右為細末每用刷牙以熱漿水漱牙外麤末熬漿  
水刷牙大有神効不可具述

當歸龍膽散

治寒熱停牙痛

香白芷

當歸梢

羊脛骨灰

生地黄

已上各伍分

麻黄

草豆蔻皮

草龍膽

升麻

黃連

已上各壹錢

右為細末如前法擦之神効

牢牙地黃散

治腦寒痛及牙痛

藁本

貳分

生地黄

熟地黄

羌活

防已

人參

已上各叁分

當歸身

益智仁

已上各肆分

香白芷

黃芪

已上各伍分

羊脛骨灰

吳茱萸

黃連

麻黄

已上各壹錢

草豆蔻皮

壹錢貳分

升麻 壹錢 伍分

右為細末如前法擦之

細辛散

治寒邪風邪犯腦牙齒痛

柴胡

防風

升麻

白芷 已上各 貳分

桂枝 貳分 半

麻黃 去節

藁本

蒼朮 已上各 叁分

當歸身 肆分

草豆蔻 伍分

羊脛骨灰

羌活 已上各 錢伍分

細辛 少許

右為細末先漱後擦之佳

立効散

治牙齒痛不可忍及頭腦項背微惡寒飲大惡熱  
飲其脉上中下三部陽虛陰盛是五臟內盛六腑  
陽道脉微小小便滑數

細辛

貳分

炙甘草

叁分

升麻

柒分

防風

壹錢

草龍膽

肆錢  
酒洗

右咬咀都作一服水一盞煎至七分去粗以匙抄  
在口中燥痛處待少時則止

如多惡熱飲更加草龍膽

壹錢

此法不定隨寒熱多

少臨時加減

若更惡風作痛加草豆蔻黃連已上各伍分勿加草龍膽

牢牙散

治牙齦肉綻有根牙疳腫痛牙動搖欲落牙齒不

長牙黃口臭

羌活

壹兩

草龍膽

酒洗壹兩伍錢

羊脛骨灰

貳兩

升麻

肆兩

右為細末以紗羅子羅骨灰作微塵末和勻卧時

貼在牙齦上

清胃散

治因服補胃熱藥致使上下牙疼痛不可忍牽引

頭腦滿面發熱大痛足陽明之別絡入腦喜身熱  
熱乃是手陽明經中熱盛而作也其齒喜冷惡熱

當歸身

擇細黃連

如連不好更加  
貳分夏月倍之

生地黄

酒製已  
上參分

牡丹皮

伍分

升麻

壹錢

右為細末都作一服水一盞半煎至一盞去粗帶

冷服之

神功丸

治多食肉人口臭不可近牙齒瘡蝕牙齦肉將脫  
牙齒落血不止

蘭香葉

如無藿  
香代之

當歸身

藿香

用葉

木香 已上各壹錢

升麻 貳錢

生地黄 酒洗

生甘草 已上各參錢

黃連 去鬚擇淨酒洗秤

縮砂仁 已上各伍錢

右同為細末湯浸餗餅為丸如菉豆大每服一百丸或加至二百丸止血下白湯下食遠服兼治血痢及血崩及血下不止血下褐色或紫色黑色及腸澼下血空心服米湯下其脉洪大而緩者及治麻木厥氣上衝逆氣上行妄聞妄見者

桔梗湯

治咽腫微覺痛聲破

當歸身

馬勃 已上各壹分

白殭蠶



蘭室秘藏 卷中

黃芩

已上各參分

麻黃

伍分不去節

桔梗

甘草

已上各壹錢

桂枝

少許

右為麤末作一服水二大盞煎至一盞云粗稍熟

服之食後

又方

治口瘡久不愈者

黃蘗

不計多少真者蜜塗其上炙黃色

右為細末乾糝瘡上臨卧忌醋醬鹽

神驗法

治口瘡無問久新

夜間將二丸以勒緊左右交手揉三五十次但  
遇睡覺行之如此三五度因濕而生者一夜愈  
久病諸般口瘡三二夜愈如鼻流清涕者勒之  
二丸揉之數夜可愈

內經云膀胱移熱於小腸膈腸不便上口為麋易  
老五苓散與導赤散合而飲之

嘔吐門

丁香茱萸湯

治嘔吐噦胃虛寒所致

黃蘗

三分

炙甘草

丁香

柴胡 已上各伍分 升麻 柒分

吳茱萸 蒼朮 人參 已上各壹錢

當歸身 壹錢伍分 葶豆蔻仁 黃芪 已上各貳錢

右為麤末每服五錢水二大盞煎至一盞去粗稍

熱服食前

白木湯 一名茯苓半夏湯

治胃氣虛弱身重有痰惡心欲吐是風邪羈絆於

脾胃之間當先實其脾胃

炒神麴 貳錢 陳皮 天麻 已上各叁錢

白木 白茯苓 麥藁米麴 炒黃

半夏已上各伍錢

右咬咀每服五錢水二盞入生薑五片同煎至一

盞去粗稍熱服之

補肝湯一名柴胡半夏湯

治素有風證不敢見風眼澀頭痛眼黑胸中有痰惡心兀兀欲吐遇風但覺皮肉緊手足難舉重物如居暖室少出微汗其證乃減再或遇風病即復

柴胡

升麻

藁本

已上各伍分

白茯苓

柒分

炒神麴

蒼朮

已上各壹錢

半夏貳錢

生薑

拾片

補肝湯

卷五

一

右為麤末都作一服水一大盞煎至一大盞去粗

稍熱服

吳茱萸丸

一名木香  
利膈丸

治寒在膈上噎塞咽膈不通

木香

青皮

已上各  
貳分

白殭蠶

姜黃

澤瀉

柴胡

已上各  
肆分

當歸身

炙甘草

已上各  
陸分

益智仁

人參

橘皮

升麻

黃芪

已上各  
捌分

半夏

壹錢

草豆蔻仁

吳茱萸

已上各  
錢貳分

麥蘖麩

壹錢  
伍分

右爲細末湯浸餗餅爲丸如棗豆大每服二三十丸溫水送下勿多飲湯恐速下細嚼亦得

衄血吐血門

麥門冬飲子

治吐血久不愈以三稜鉞於氣街出血立愈

黃芪 壹錢

麥門冬

當歸身

生地黃

人參 已上各伍分

五味子 拾箇

右爲麤末都作一服水二盞煎至一盞去粗熱服不拘時

人參飲子

治脾胃虛弱氣促氣弱精神短少衄血吐血

麥門冬

貳分

人參

去芦

當歸身

已上各參分

黃芪

白芍藥

甘草

已上各壹錢

五味子

伍箇

右為麤末都作一服用水二盞煎至一盞去粗稍

熱服

一貧者有前證以前藥投之愈繼而至冬天居曠

室中卧大熱炕而吐血數次再來求治料此病久

虛弱附臍有形而有火熱在內上氣不足陽氣外

虛當補表之陽氣瀉其裏之虛熱是其法也冬

居曠室衣蓋單薄是重虛其陽表有大寒壅遏重  
熱火邪不得舒伸故血出於口憶仲景傷寒論中  
一證太陽傷寒當以麻黃湯發汗而不與遂成衄  
却與麻黃湯立愈此法相同予遂用之

三黃補血湯

治六脉俱大按之空虛心面赤善驚上熱乃手少  
陰心脉也此氣盛多而亡血以甘寒鎮墜之劑大  
瀉其氣以墜氣浮以甘辛微苦峻補其血

牡丹皮

黃芪

升麻

已上各壹錢

當歸

柴胡

已上各壹錢伍分

熟地黃



川芎

已上各  
貳錢

生地黄

叁錢

白芍藥

伍錢

右咬阻如麻豆大每服五錢水二大盞煎至一大

盞去粗稍熱服食前

如兩寸脉乳血在上焦或衄血或嘔血與犀角地黄

湯則愈

救脉湯

一名人參  
救肺散

治吐血

甘草

蘇木

陳皮

已上各  
伍分

升麻

柴胡

蒼朮

已上各  
壹錢

當歸梢

熟地黄

白芍藥

黃芪

人參已上各

右為麤末都作一服水二大盞煎至一盞去粗

溫食前服

麻黃桂枝湯

人參益上焦元氣不足而實其表也

麥門冬保肺氣口

桂枝以補表虛

當歸身和血養血冬伍分

麻黃去根節

甘草補其脾胃之虛

黃芪實表益衛

白芍藥已上各壹錢

五味子伍箇安其脈氣

右以水三盞先煮麻黃一味令沸去沫至二盞入

餘藥同煎至一盞去粗熱服臨卧只一服而愈更

不再作

黃芪芍藥湯

治鼻衄血多面黃眼澀多眵手麻木

葛根

羌活

已上各伍錢

升麻

已上各壹兩

炙甘草

貳兩

白芍藥

黃芪

叁兩

石叟咀每服伍錢水二盞煎至一盞食後

六脉弦細而瀋按之空虛其色必白而天不澤者脫

血也此大寒證以辛溫補血益血以甘溫甘熱骨

潤之劑以佐之則愈此亡血亦傷精氣

止衄血法

治鼻血久不止素有熱而暴作者諸藥無驗神法  
以大紙一張作八摺或十摺於水內濕置頂中以  
熱熨斗熨至一重或二重紙乾立止

腰痛門

川芎肉桂湯

丁未冬曹通甫自河南來有役人小翟露宿寒濕  
之地腰痛不能轉側兩脇搐急作痛已經月餘不  
愈矣腰痛論中說皆為足太陽足少陰血絡中有  
凝血作痛間有一二證屬少陽膽經外絡脉病皆

去血絡之凝乃愈其內經有云冬三月禁不得用  
鍼只宜服藥通其經絡破其血絡中敗血以此藥  
主之

酒漢防已

防風已上各  
叁分

炒神麴

獨活

已上各  
伍分

川芎

柴胡

肉桂

當歸梢

炙甘草

蒼朮

已上各  
壹錢

羌活

壹錢  
伍分

桃仁

伍箇去皮  
犬研如泥

右咬咀都作一服好酒三大盞煎至一大盞去粗  
稍熟食遠服

獨活湯

治因勞役腰痛如折沉重如山

炙甘草 貳錢

羌活

防風

獨活

大黃 煨

澤瀉

肉桂

已上各參錢

當歸稍

連翹

已上各伍錢

酒漢防已

酒黃蘗

已上各壹兩

桃仁

參拾箇

右咬咀每服五錢酒半盞水一大盞半煎至一盞

去粗熱服

破血散疼湯

治乘馬損傷跌其脊骨惡血流於脇下其痛苦楚不能轉側妨於飲食

圖書必錄

卷中

三十三

羌活

防風

中桂

已上各壹錢

蘇木

壹錢五分

連翹

當歸梢

柴胡

已上各貳錢

水蛭

叁錢炒去煙盡別研

麝香

少許別研

右件分作二服每服酒二大盞水一大盞除水蛭

麝香另研如泥煎餘藥作一大盞去粗上火令稍

熱調二味空心服之兩服立愈

地龍散

治腰脊痛或打撲損傷從高墜下惡血在太陽經

中令人腰脊痛或脛膕臂股中痛不可忍鼻塞不

通

當歸稍 壹分

中桂

地龍 已上各肆分

麻黃 伍分

蘇木 陸分

獨活

黃蘗

甘草 已上各壹錢

羌活 貳錢

桃仁 陸箇

右吹咀每服五錢水二盞煎至一盞去粗温服食

遠

蒼木湯

治濕熱腰腿疼痛

防風 風能勝濕

黃蘗 已上各壹錢始得之時寒也久不愈寒化為熱除濕

止痛

柴胡 貳錢行經

蒼木 參錢去濕止痛



右都作一服水二大盞煎至一盞去粗空心服

麻黃復煎散

治陰室中汗出懶語四肢困倦無力走注疼痛乃下焦伏火而不得伸浮而躁熱汗出一身盡痛蓋風濕相搏也以升陽發汗漸漸發之火鬱乃濕在經者亦宜發汗况正值季春之月脉緩而遲尤宜發汗令風濕去而陽升以此困倦乃退氣血俱得生旺也

白朮

人參

生地黄

柴胡

防風已上各伍分

羌活



黃蘗 已上各壹錢

麻黃 去節微搗不令作末水大盞煎令沸去沫煎至二

盞入下項藥再煎

黃芪 已上各貳錢

甘草 參錢

杏仁 參箇去皮

右咬咀都作一服入麻黃湯煎至一盞臨卧服之

勿令食飽取漸次有汗則効

緩筋湯 一名羌活湯

治兩目如火腫痛兩足及伏兔筋骨痛膝少力身

重腰痛夜惡寒痰嗽頸項皆急痛目外眦目絲急

食不下

熟地黄 壹分

生甘草

柴胡

紅花

炙甘草

蘇木

獨活

已上各貳分

藁本

升麻

黃芩

草豆蔻仁

酒黃蘗

生地黄

當歸身

麻黃

已上各參分

羌活

參錢

蒼朮

伍分

右為麤末都作一服水三大盞煎至一盞去粗食

遠服之

拈痛湯

治濕熱為病肩背沉重肢節疼痛胸膈不利

白朮

壹錢伍分

人參

去芦

苦參

酒炒

升麻 去芦

葛根

蒼木 已上各 貳錢

防風 去芦

知母 酒洗

澤瀉

黃芩 炒

猪苓

當歸身 已上各 參錢

炙甘草

黃芩 酒洗

茵陳 酒炒

羌活 已上各 伍錢

右咬咀每服一兩水二大盞煎至一盞去粗食遠

服

蒼木復煎散

治寒濕相合腦右痛惡寒項筋脊骨強肩背胛眼痛膝臏痛無力行步沉重

紅花 壹分

黃蘗 叁分

柴胡

藁本

澤瀉

白朮

升麻 已上各伍分

羌活 壹錢

蒼朮 肆兩水二椀煎二盞

去粗入藥

右以咀先煎蒼朮湯二大盞復煎前項藥至一大

盞稍熟空心服取微汗為効忌酒濕麵

羌活蒼朮湯

治脚膝無力沉重

炙甘草

黃蘗

草豆蔻

生甘草

葛根 已上各伍分

橘皮 陸分

柴胡 半 柒分

升麻

獨活

縮砂仁

蒼朮

已上各 壹錢

防風

壹錢 伍分

黃芪

貳錢

知母

貳錢 伍分

羌活

叁錢

右以咀分作二服水二大盞煎至一盞去粗空心

服

婦人門

經閉不行有三論

陰陽別論云二陽之病發心脾有不得隱曲女子不  
月其傳為風消為息賁者死不治婦人脾胃久虛或  
形羸氣血俱衰而致經水斷絕不行或病中消胃熱

善食漸瘦津液不生夫經者血脉津液所化津液既  
絕爲熱所爍肌肉消瘦時見渴燥血海枯竭病名曰  
血枯經絕宜瀉胃之燥熱補益氣血經自行矣此證  
或經適行而有子子不安爲胎病者有矣或心包脉  
洪數躁作時見大便秘澀小便雖清不利而經水閉  
絕不行此乃血海乾枯宜調血脉除包絡中火邪而  
經自行矣內經所謂小腸移熱於大腸爲癥瘕爲沉  
脉澀不利則月事沉滯而不利故云爲癥瘕爲沉也  
或因勞心心火上行月事不來安心和血瀉火經自  
行矣故內經云月事不來者胞脉閉也胞脉者屬心

而絡於胞中令氣上迫肺心氣不得下故月事不來也

經漏不止有三論

陰陽別論云陰虛陽搏謂之崩婦人脾胃虛損致命門脉沉細而數疾或沉弦而洪大有力寸關脉亦然皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脉必弦細寒作於中中有赤帶者其脉洪數疾熱明矣必腰痛或臍下痛臨經欲行先見寒熱往來兩脇急縮兼脾胃證出見或四肢困熱心煩不得眠卧心下



急宜大補脾胃而升舉血氣可一服而愈或人故貴  
脫勢人事踈少或先富後貧心氣不足其火大熾旺  
於血脉之中又致脾胃飲食失節火乘其中形質肌  
肉容顏似不病者此心病者不行於診故脾胃飲食  
不調其證顯矣而經水不時而下或適來適斷暴下  
不止治當先說惡死之言勸諭令拒死而心不動以  
大補氣血之藥舉養脾胃微加鎮墜心火之藥治其  
心補陰瀉陽經自止矣痿論云悲哀大甚則胞絡絕  
也陽氣內動發則心下崩數瘦血也故本病曰大經  
空虛發則肌痺傳爲脉痿此之謂也

升陽除濕湯

一名調經升陽除濕湯

治女子漏下惡血月事不調或暴崩不止多下水  
漿之物皆由飲食不節或勞傷形體或素有心氣  
不足困飲食勞倦致令心火乘脾其人必怠惰嗜  
卧四肢不收困倦乏力無氣以動氣短上氣逆急  
上衝其脉緩而弦急按之洪大皆中之下得之脾  
土受邪也脾主滋榮周身者也心主血血主脉二  
者受邪病皆在脉脉者血之府也脉者人之神也  
心不主令包絡代之故曰心之脉主屬心系心系  
者包絡命門之脉也主月事因脾胃虛而心包乘

之故漏下月事不調也况脾胃為血氣陰陽之根

蒂也當除濕去熱益風氣上伸以勝其濕又云火

鬱則發之

當歸 酒洗

獨活 已上各五分

蔓荊子 柒分

防風

炙甘草

升麻

藁本 已上各壹錢

柴胡

羌活

蒼朮

黃芪 已上各壹錢五分

右判如麻豆大勿令作末都作一服以潔淨新汲

水三大盞煎至一大盞去粗空心熱服待少時以

早飯壓之可一服而已如灸足太陰脾經中血海

穴二七壯亦已

此藥乃從權之法用風勝濕為胃下陷而氣迫於下以救其血之暴崩也併血惡之物住後必須黃芪人參炙甘草當歸之類數服以補之於補氣升陽湯中加以和血藥便是也若經血惡物下之絕尤宜究其根源治其本經只益脾胃退心火之充乃治其根蒂也若遇夏月白帶下脫漏不止宜用此湯一服立止

涼血地黄湯

治婦人血崩是腎水陰虛不能鎮守包絡相火故

血走而崩也

黃芩

荊芥穗

蔓荊子

已上各壹分

黃蘗

知母

藁本

細辛

川芎

已上各貳分

黃連

羌活

柴胡

升麻

防風

已上各叁分

生地黄

當歸

已上各伍分

甘草

壹錢

紅花

少許

右咬咀都作一服水三大盞煎至一盞去粗稍熟

空心服之

足大陰脛之經中血海二穴在膝臑上內廉白肉際

二寸中治女子漏下惡血月事不調逆氣腹脹其  
脉緩者是也灸三壯

足少陰腎之經中陰谷二穴在膝內輔骨後大筋下  
小筋上按之應手屈膝取之治膝如錐不得屈伸  
舌縱涎下煩逆溺難少腹急引陰痛股內廉痛婦  
人漏血不止腹脹滿不得息小便黃如蠱女子如  
妊身可灸二壯

酒煮當歸丸

治癩疔白帶下疰脚氣腰已下如在冰雪中以火  
焙炕重重厚綿衣蓋其上猶寒冷不任寒之極也

面白如枯魚之象肌肉如刀割削瘦峻之速也小便不止與白帶長流而不禁固自不知覺面白目青藍如菜色目眈眈無所見身重如山行步欹側不能安地腿膝枯細大便難秘口不能言無力之極食不下心下痞煩心懊懔不任其苦面停垢背惡寒小便遺而不知此壯中下三陽真氣俱虛欲竭噦嘔不止胃虛之極也脉沉厥緊而澀按之空虛若脉洪大而濡按之無力猶為中寒之證况按之空虛者乎按之不鼓是為陰寒乃氣血俱虛之極也

茵香

五錢

黑附子

炮製去皮臍

良薑

已上各

當歸

壹兩

右四味剉如麻豆大以上等好酒一升半同煮至

酒盡焙乾

炙甘草

苦練

生用

丁香

已上各

木香

升麻

已上各

柴胡

貳錢

炒黃鹽

全蠍

已上各

延胡索

肆錢

右與前四味藥同為細末酒煮麵糊為丸如梧桐子大每服五七十九空心淡醋湯下忌油膩冷物

酒濕麵

高麗必錄

卷中

三



固真丸

治白帶久下不止臍腹冷痛陰中亦然目中溜火  
 視物眊眊然無所見齒皆惡熱飲痛須得黃連細  
 末擦之乃止惟喜乾食大惡湯飲此病皆寒濕乘  
 其胞內故喜乾而惡濕肝經陰火上溢走於標故  
 上壅而目中溜火腎水侵肝而上溢致目眊眊而  
 無所見齒惡熱飲者是陽明經中伏火也治法當  
 大瀉寒濕以丸藥治之故曰寒在下焦治宜緩大  
 忌湯散以酒製白石脂白龍骨以枯其濕炮乾薑  
 大熱辛瀉寒水以黃蘗之大寒為因用又為鄉導

故云古者雖有重罪不絕人之後又為之伏其所  
主先其所因之意又瀉齒中惡熱飲也以柴胡為  
本經之使以芍藥五分導之恐辛熱之藥大甚損  
其肝經故微瀉之以當歸身之辛溫大和其血脈  
此用藥之法備矣

黃蘗

酒洗

白芍藥

已上各伍分

柴胡

白石脂

已上各壹錢火燒赤

白龍骨

酒洗日乾水飛為末

當歸

酒洗已上各貳錢

乾薑

肆錢炮

右件除龍骨白石脂水飛研外同為細末水煮麵  
糊為丸如雞頭仁大口乾空心多用白沸湯下無

令胃中停滯待少時以早飯壓之是不令熱藥犯胃忌生冷硬物酒濕麵

### 烏藥湯

治婦人血海疼痛

當歸

甘草

木香 已上各伍錢

烏藥 壹兩

香附子 貳兩

右咬咀每服五錢水二大盞去粗溫服食前

### 助陽湯

名升陽燥濕湯

治白帶下陰戶中痛空心而急痛身黃皮緩身重

如山陰中如米

生黃芩

橘皮

已上各伍分

防風

高良薑

乾薑

郁李仁

甘草

已上各壹錢

柴胡

壹錢叁分

白葵花

柒朵

右剉如麻豆大分作二服每服水二大盞煎至一盞去粗食前稍熱服

水府丹

治婦人久虛積冷經候不行癥瘕癖塊腹中暴痛

面有黥黥黎黑羸瘠

礪砂

紙隔沸湯淋蒸取

紅豆

已上各伍錢

桂心

另為末

木香

乾薑

已上各壹兩

砂仁

貳兩

經煨花蕊石

研壹兩 伍錢

班猫

壹百箇 去頭翅

柒枚

生地黄汁

童子小便

各一升

臘月狗膽

芫蜻

叁百箇 去頭足 糯米一升 炒米黃去米不用

右九味為細末同三汁熬為膏和丸如雞頭大硃

砂為衣每服一丸温酒細嚼食前服米飲亦可孕

婦不可服

丁香膠艾湯

治崩漏不止蓋心氣不足勞役及飲食不節所得

經隔少時其脉二尺俱弦緊洪按之無力其證白

覺臍下如冰求厚衣被以禦其寒白帶白滑之物

多間有如屋漏水下時有鮮血右尺脉時微洪也

熟地黄

白芍藥

已上各參分

川芎

丁香已上各四分

阿膠陸分

生艾葉壹錢

當歸一錢二分

右川芎為細末當歸酒洗剉熟地黄丁香為細末  
艾亦剉都作一服水五大盞先煎五味作一盞零  
二分去粗入膠再上火煎至一大盞帶熱空心服  
之

黃芪當歸人參湯

丁未仲冬郭大方來說其妻經水暴崩不止先曾

損身失血自後一次縮一十日而來今次不止其  
人心窄性急多驚以予料之必因心氣不足飲食  
不節得之大方曰無到彼診得掌中寒脉沉細而  
緩間而沉數九竅微有不利四肢無力上喘氣短  
促口鼻氣皆不調果有心氣不足脾胃虛弱之證  
胃脘當心而痛左脇下縮急有積當臍有動氣腹  
中鳴下氣大便難虛證極多不能盡錄擬先治其  
本餘證可以皆去安心定志鎮墜其經調和脾胃  
大益元氣補其血脉令養其神以大熱之劑去其  
冬寒凝在皮膚內少加生地黄去命門相火不令

四肢痿弱

黃連

壹分

生地黄

叁分

炒神麴

橘皮

桂枝

上各伍分

草豆蔻仁

陸分

黃芪

人參

麻黃

不去節已上各壹錢

當歸身

壹錢伍分

杏仁

伍箇另研如泥

右呶咀作二服水二大盞半煎麻黃令沸去沫煎至二盞入諸藥同煎至一大盞於巳午之間食消盡服之一服立止其胃脘痛乃胃上有客寒與大熱藥草豆蔻丸一十五丸白湯送下其痛立止再與肝之積藥除其積之根源而愈



當歸芍藥湯

治婦人經脉漏下不止其色鮮紅時值七月處暑  
 之間先因勞役脾胃虛弱氣短氣逆自汗不止身  
 熱悶亂惡見飲食非惟不入亦不思食沉懶困倦  
 四肢無力大便時泄後再因心氣不足經脉再下  
 不止惟覺氣下脫其元氣逆上全無惟覺心腹中  
 氣下行氣短少不能言是無力以言非懶語也此  
 藥主之

柴胡 貳分

炙甘草

生地黄 已上各 叁分

橘皮 不去

熟地黄 已上各 伍分

黃芪 壹錢 伍分

蒼朮 泔浸 去皮

當歸身

白芍藥

白朮 已上各 貳錢

右十味咬咀如麻豆大分作二服水二盞半煎至一盞去粗稍熱空心服之

柴胡調經湯

治經水不止鮮紅項筋急腦痛脊骨強痛

炙甘草

當歸身

葛根 已上各 參分

獨活

藁本

升麻 已上各 伍分

柴胡 柒分

羌活

蒼朮 已上各 壹錢

紅花 少許

右劉如麻豆大都作一服水四大盞煎至一盞去  
祖空心稍熱服取微汗立止

一婦人經候凝結黑血成塊左廂有血瘕水泄不止  
穀有時不化後血塊暴下并水俱作是前後二陰有  
形血脫竭於下既久經候猶不調水泄日見三兩行  
食罷煩心飲食減少甚至瘦弱東垣老人曰夫聖人  
治病必本四時升降浮沉之理權變之宜必先歲氣  
無伐天和無勝無虛遺人天殃無致邪無失正絕人  
長命故仲景云陽盛陰虛下之則愈汗之則死陰盛  
陽虛汗之即愈下之即死大抵聖人立法且如升陽

或發散之劑是助春夏之陽氣令其上升乃瀉秋冬  
收藏殞殺寒涼之氣此病是也當用此法治之升降  
浮沉之至理也天地之氣以升降浮沉乃從四時如  
治病不可逆之故經云順天則昌逆天則亡可不畏  
哉夫人之身亦有四時天地之氣不可止認在外人  
亦體同天地也今經漏不止是前陰之氣血已脫下  
矣水泄又數年是後陰之氣血下陷以脫矣後陰者  
主有形之物也前陰者精氣之戶下竭是病人周身  
之血氣常行秋冬之令陰主殺此等收藏之病是也  
陽生陰長春夏是也在人之身令氣升浮者穀氣上

行是也既病人周身血氣皆不生長穀氣又不勝其  
肌肉消少是兩儀之氣俱將絕矣既下元二陰俱脫  
血氣將竭假令當是熱證今下焦久脫化爲寒矣此  
病久沉久降寒濕大勝當急救之瀉寒以熱除濕以  
燥大升大舉以助生長補養氣血不致偏竭聖人立  
治之法既濕氣大勝以所勝治之助甲風本上升是  
也故經云風勝濕是以所勝平之也當先調和胃氣  
次用白朮之類以燥其濕而滋元氣如其不止後用  
風藥以勝濕此便是大舉大升以助春夏二濕之久  
陷下之至治也

益胃升陽湯

血脫益氣古聖人之法也先補胃氣以助生發之氣故曰陽生陰長諸甘藥為之先務舉世皆以為補殊不知甘能生血此陽生陰長之理也故先理胃氣人之身內胃氣為寶

柴胡

升麻 已上各五分

炙甘草

當歸身

酒洗

陳皮 已上各壹錢

人參 去芦有嗽去之

炒神麴

已上各錢伍分

黃芪 貳錢

白朮 叁錢

生黃芩

少許

右咬咀每服二錢水二大盞煎至一盞去粗稍熱

服

如腹中痛每服加 白芍藥 參分 中桂 少許

如渴或口乾加葛根 計分 不拘時候

升陽舉經湯

治經水不止如石尺脉按之空虛是氣血俱脫大寒之證輕手其脉數疾舉指弦緊或澀皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此法當大升浮血氣切補命門之下脫也

肉桂 去皮盛夏勿用秋冬用

白芍藥

紅花 已上各伍分

細辛 陸分  
人參 去芦

熟地黄

川芎 已上各壹錢

獨活根

黑附子 炮製去皮臍

炙甘草 已上各錢伍分

羌活

藁本 去土

防風 已上各貳錢

白朮

當歸

黃芪 已上各參錢

柴胡 已上各參錢

桃仁 拾箇湯浸去皮尖細研

右咬咀每服三錢若病勢順當漸加至五錢每服

水三盞煎至一盞空心熱服

半產誤用寒涼之藥論

婦人分免及半產漏下昏冒不省瞑目無所知覺蓋  
因血暴亡有形血去則心神無所養心與包絡者君



火相火也得血則安亡血則危火上熾故令人昏冒  
火勝其肺瞑目不省人事是陰血暴去不能鎮撫也  
血已虧損往往用滑石甘草石膏之類乃辛甘大寒  
之藥能瀉氣中之熱是血虧瀉氣乃陰虧瀉陽使二  
者俱傷反爲不足虛勞之病昏迷不省者上焦心肺  
之熱也此無形之熱用寒涼之藥驅令下行豈不知  
上焦之病悉屬於表乃陰證也汗之則愈今反下之  
幸而不死暴虧氣血生命豈能久活又不知內經有  
說病氣不足宜補不宜瀉但瞑目之病悉屬於陰宜  
汗不宜下又不知傷寒鬱冒得汗則愈是禁用寒涼

藥也分免半產本氣不病是暴去其血亡血補血又何疑焉補其血則神昌常時血下降亡今當補而升舉之心得血而養神不昏矣血若暴下是秋冬之令大旺今舉而升之以助其陽則目張神不昏迷矣今立一方補血養血生血益陽以補手足厥陰之不足也

全生活血湯

紅花 叁分

蔓荊子

細辛 已上各伍分

生地黄 夏月多加之

熟地黄 已上各壹錢

藁本

川芎 已上各壹錢伍分

防風 諸陽既陷何以知血下脫故也

羌活

獨活

炙甘草

柴胡

去苗

當歸身

酒洗

葛根

已上各貳錢

白芍藥

升麻

已上各參錢

右攷咀每服五錢水二盞煎至一盞去粗食前稍

熱服

當歸附子湯

治臍下冷痛赤白帶下

當歸

貳分

炒鹽

參分

蠟梢

升麻

已上各伍分

甘草

陸分

柴胡

柒分

黃蘗

少許為引用

附子

壹錢

乾薑良薑

各一錢

右為麤末每服五錢水五盞煎至一盞去粗稍熱  
服或為細末酒麵糊為丸亦可

調經補真湯

冬後一月微有地泥水泮其白帶再來陰戶中寒

一服立止

獨活

乾薑炮

藁本

防風

蒼朮已上各  
貳分

麻黃不去

炙甘草

人參去芦

當歸身

白朮

生黃芩

升麻已上各  
伍分

黃芪柒分

良薑

澤瀉

羌活

口上各壹錢

柴胡

肆錢

杏仁

貳箇

桂枝

少許

白葵花

柒柒去萼

右咬咀除黃芩麻黃各另都作一服先以水三大盞半煎麻黃一味令沸掠去沫入餘藥同煎至一盞零柒分再入生黃芩煎至一盞空心服之候一時許可食早飯

坐藥龍鹽膏

茴香

叁分

枯礬

伍分

良薑

當歸梢

酒防已

木通

口上各壹錢

丁香

木香

川烏

炮已上各壹錢伍分

龍骨

炒鹽

紅豆

肉桂

已上各一錢

厚朴

參錢

延胡索

伍錢

全蠍

伍箇

右為細末煉蜜為丸如彈子大綿裹留系在外內丸藥陰戶內日易之

勝陰丹

為水藥力小再取三錢內加行性熱藥項下

柴胡

羌活

枯白礬

甘松

升麻

已上各貳分

川烏頭

大椒

三柰子

已上各伍分

蒜

柒分

破故紙

捌分與蒜同  
煑焙乾秤

全蠍

叁箇

麝香

少許

右為細末依前法用

迴陽丹

羌活

全蠍

升麻根

甘松

已上各  
貳分

草烏頭

水蛭

炒已上  
各叁分

大椒

三柰子

萆撥

桔礬

已上各  
伍分

柴胡

川烏

已上各  
柒分

炒黃鹽

為必用之藥  
去之則不効

破故紙

蒜

已上各  
壹錢

蟲蟲

一箇去  
足炒

右為極細末依前製用臍下覺暖為効

柴胡丁香湯

治婦人年三十歲臨經先腰臍痛甚則腹中亦痛  
經縮三兩日

生地黄 貳分

丁香 肆分

當歸身

防風

羌活 已上各壹錢

柴胡 壹錢伍分

全蠍 壹箇

右件都作一服水二盞煎至一盞去粗食前稍熱服

延胡苦煉湯



治臍下冷撮痛陰冷大寒白帶下

黃蘗

壹分爲引用

延胡索

苦練子

已上各貳分

附子

炮

肉桂

已上各叁分

炙甘草

伍分

熟地黄

壹錢

右都作一服水二大盞煎至一盞食前服

桂附湯

治白帶腥臭多悲不樂大寒

黃蘗

爲引用

知母

已上各伍分

肉桂

壹錢

附子

叁錢

右吹咀都作一服水二盞煎至一盞去粗食遠熟

服

如少食常飽有時似腹脹夯悶加白芍藥伍分

如不思飲食加五味子貳拾箇

如煩惱面上如蟲行乃胃中元氣極虛加黃芪壹錢伍分

人參柒分炙甘草升麻已上各伍分

人參補氣湯

治四肢懶倦自汗無力

丁香末貳分生甘草稍已上各叁分炙甘草已上各

生地黄白芍藥已上各伍分熟地黄陸分

人參防風羌活

黃蘗

知母

當歸身

升麻

已上各柒分

柴胡

壹錢

黃芪

壹錢伍分

全蠍

壹箇

五味子

貳拾箇

右剉如麻豆大都作一服水二盞煎至一盞去粗

空心稍熱服

黃芪白木湯

治婦人四肢沉重自汗上至頭際頸而還惡風頭

痛躁熱

細辛

叁分

吳茱萸

川芎

已上各伍分

柴胡

升麻

已上各壹錢

當歸身

壹錢伍分

黃蘗 酒洗

炙甘草

羌活 已上各 貳錢

五味子 叁錢

白朮

人參 已上各 伍錢

黃芪 壹兩

右咬咀每服五錢水二大盞生薑五片煎至一盞

去粗食前熱服

如腹中痛不決加炙甘草 壹錢 汗出不止加黃蘗 壹錢

白朮茯苓湯

治胃氣弱身重有痰惡心欲吐是風邪羈絆於脾

胃之間當先實其脾胃

白朮

白茯苓

半夏 已上各 壹兩

炒麴

貳錢

麥蘖麴

伍分

右咬咀每服五錢水二大盞入生薑五片煎至一

盞去粗不拘時服

增味四物湯

治婦人血積

當歸

川芎

芍藥

熟地黄

京三稜

乾漆

炒燥咽

肉桂

去皮

廣茂

巴上等

右為麤末每服五錢水二大盞煎至一盞去粗食

前稍熱服

補經固真湯

白文舉正室白帶常漏久矣諸藥不效診得心包  
尺脉微其白帶下流不止叔和云崩中日久爲白  
帶漏下時多白滑血枯崩中者始病血崩久則血少  
復亡其陽故白滑之物下流不止是本經血海將  
枯津液復亡枯乾不能滋養筋骨以本部行經藥  
爲引用爲使以大辛大熱之藥潤其枯燥而滋  
益津液以大辛熱之氣味藥補其陽以生其血脉  
以苦寒之藥泄其肺而救上熱傷氣以人參補之  
以微苦溫之藥爲佐而益元氣

白葵花

去萼研爛肆分

甘草

炙以仁麩泥

柴胡

已上各壹錢

乾薑

細末

人參

已上各貳錢

生黃芩

細研

陳皮

五分

右件除黃芩外以水三盞煎至一盞七分再入黃

芩同煎至一盞去粗細心熱服少匙以早飯壓之

溫衛補血湯

治耳鳴鼻不聞香臭口不知穀味氣不快四肢困

倦行步欹側髮脫落食不下膝冷陰汗帶下喉中

哧哧不得卧口舌益乾大息頭不可以回顧項筋

緊脊強痛頭旋眼黑頭痛欠嚏

生地黃

白朮

藿香

黃蘗 已上各壹分

牡丹皮

蒼朮

王瓜根

橘皮

吳茱萸 已上各貳分

當歸身 貳分半

柴胡

人參

熟甘草

地骨皮 已上各叁分

升麻 肆分

生甘草 伍分

黃芪 壹錢貳分

丁香 壹箇

桃仁 叁箇

葵花 柒朵

右咬咀作一服用六二大盞煎至一盞去粗食前

熱服

立効散

治婦人血崩不止



當歸

蓮花心

白綿子

紅花

茅花 已上各壹兩

右剉如豆大白紙裹定泥固炭火燒以存性為細末

如乾血氣研血竭為引好温酒調服加輕粉 壹錢

如血崩不止加麝香為引好温酒調服

四聖散

治婦人赤白帶下

川烏 炮製

生白礬 已上各壹錢

紅娘子 叁箇

班猫 拾箇

煉蜜爲丸如皂子大綿裹坐之

溫經除濕湯

十月霜冷後四肢無力乃痿厥濕熱在下焦也醋  
心者是濁氣不下降欲爲滿也合眼麻木作者陽  
道不行也惡風寒者上焦之分皮膚中氣不行也  
開目不麻者目開助陽道故陰寒之氣少退也頭  
眩暈者風氣下陷於血分不尋申越而作也近  
火則有之

黃連

壹分

柴胡

草豆蔻

神麴

炒

木香

巴上各貳分

麻黃

不去節

獨活

當歸身

黃蘗已上各壹分

升麻伍分

羌活柒分

炙甘草

人參

白朮

茯苓

澤瀉已上各壹錢

黃芩

橘皮

蒼朮已上各貳錢

白芍藥叁錢

右剉如麻豆大分作二服水二盞煎至一盞食遠服治支節沉重疼痛無力之勝藥也

補氣升陽和中湯

李正臣夫人病診得六脉俱中得弦洪緩相合按

之無力弦在上是風熱下陷入陰中陽道不行其

證閉目則渾身麻木晝減而夜甚覺而開目則麻木漸退久則絕止常開其目此證不作懼其麻木不敢合眼致不得眠身體皆重時有痰嗽覺胸中常似有痰而不利時煩躁氣短促而喘肌膚充盛飲食不減大小便如常惟畏其麻木不敢合眼爲最苦觀其色脉形病相應而不逆內經曰陽盛瞑目而動輕陰病則目重又云諸脉皆屬於目靈樞經云開目則陽道行陽氣遍布之身閉目則陽道閉而不行如晝夜之分知其陽衰而陰旺也且麻木爲風三尺之童皆以爲然細校之則有區

別耳又坐而起亦有麻木爲如繩縛之久釋之覺  
麻作而不敢動良久則自已以此驗之非有風邪  
乃氣不行主治之當補其肺中之氣則麻木自去  
矣經脈中食之其陰方中爲麻木也  
當兼去其陰火則愈矣時痰嗽者秋涼在外在上  
而作也當以溫劑實其皮毛身重脈緩者濕氣伏  
匿而作也時見躁作當升陽助氣益血微瀉陰火  
與濕通行經脈調其陰陽則已矣非五臟六腑之  
本有邪也此藥主之

生甘草

去賢

酒黃蘗

瀉火

白茯苓

除濕

澤瀉除濕導火

升麻行陽助經

柴胡已上各壹錢

蒼朮除濕補中

草豆蔻仁益陽退外寒已上各壹錢五分

白朮已上各貳錢

橘皮

當歸身

白芍藥

人參已上各叁錢

佛耳草

炙甘草已上各肆錢

黃芪伍錢

右咬咀每服五錢水二盞煎至一盞去粗食遠服

麻黃桂枝升麻湯

治婦人先患渾身麻木睡覺則少減開目則已而全愈又證已痊又因心中煩惱遍身骨節疼身體

沉重飲食減少腹中氣不運轉

木香

生薑

已上各壹分

桂枝

半夏

陳皮

草

薏仁

木

具叶寸

黃藥

已上各貳分

炙甘草

升麻

白朮

茯苓

澤瀉

已上各參分

黃芪

麻黃

不去

人參

已上各伍分

右都作一服水二盞煎至一盞去粗食遠服之

蘭室秘藏卷中

登記 26757 号

簿

張

冊

第 二 冊

第 二 冊

此簿係由本館...

第 二 冊

第 二 冊

第 二 冊

第 二 冊

第 二 冊

第 二 冊